



新編事文類聚翰墨全書卷之四



祭禮門

文類

祭文

卷四

祭皇天上帝冊文

汪彥章

維年歲月朔日嗣天子臣某敢昭告于昊天上帝伏以明明在上
臨照四方惟我邦家夙膺景命世修禋類猥及冲人祇見合
宮敢忘其舊謹以玉帛犧齊粢盛庶品肅恭禋祀式展誠欽
太祖皇帝 太宗皇帝配神作主尚饗

祭皇地祇冊文

維云云伏以肇禋明堂享帝之盛於赫厚載與天同尊二儀合
祛厥有常典敢罄齊栗用祈顧歆謹以玉帛犧齊粢盛庶品肅
恭禋祀式展誠欽 太祖皇帝 太宗皇帝配神作主尚饗

祭大廟冊文

前人

伏以維德不類嗣承明禋乃消剛辰祇見上帝燕及宗祊垂休
亡窮謹具嘉玉良幣柔毛羽鬣明粢鄉合鄉簞嘉蔬嘉薦清酌
式陳明薦尚享

登極赦書告諸廟祝文

皇帝聖德克堪對天惟新陟王付畀重器初以冕服臨見羣臣
天人和同不約共慶被庚子詔書九名山大川與諸朝食之神
敕吏以時咸秩祀事肆用諏日薦陳犧牲神其燕散相我后以
永天命

太后受冊祭告祝文

蘇東坡

祇事親闈庶幾孝治配德祖考既務極於推崇篤生眇冲亦敢
忘於褒顯將奉宝冊率循舊章消日其良先期以告

誕皇太子祭告百神祝文

毛伯穎

炎運中興本支日世若時元子育慶椒塗爰沛湛恩誕均幽顯
惟神陰相簡在帝心牲醴必交庸示昭報神其欽正勿替前休

又奏告天地社稷

昊天純祐景命維新壽考且寧無疆之慶子孫逢吉則百斯男
卜年世以復昌綿本支之益遠仰荷博臨之貺敢伸絜告之勤
冀益保於有邦以永綏於多福

又告謝青帝伏羲氏高辛氏高禖

燕來候祝夙嚴帶禱之誠熊夢占祥載叶維禱之應惟蒙賓之
中律有螽斯之獻詩仰祈孚佑之仁克享衆多之祉敢伸虔告
庶介壽祺

皇子辟日淨髮祝文

帝祉儲休皇圖增永能夢占筮完簞之祥燕禖襲弓矢之慶惟時
百子來修千齡標日月以含粹擢山河而赫靈當今節之首辰
及季夏之初吉協給紀年林鍾朔律是日也驩回萬乘喜動六
宮九羽肅而駐鳳六飛止而綏龍嬪嬙在御保傳有儀沐蘭湯
而宝鑷運勻麝凡而紺髮飛祝尔德兮今問祝尔善兮宜君燕

兄弟兮本支百世益君親兮壽考萬年

郊祀赦書是祭百神

竹隱畸士

嗣天子親政之三年民人和叶天地並况荷百出厲裁不與消選元辰躬奉郊祀被甲子詔書凡郡國山川百神之在令典者更趣潔齋具薦嘉旨惟神顯德實佑斯民其敢不虔肅政明祀益廣惠澤以稱我天子之休命

修

修太廟祭告祝文

蘇子瞻

於穆祠宮有嚴春祀吏以時而按治工揆日以修完庶就潔新永綴靈御仰祈昭鑒大庇含生

修河祝文

竹隱

洛川之陽芒山之麓宮而在焉地既積高水則弗至而苑園池沼之大灌溉滌濯之用凡所以奉至尊共朝夕者无所仰給吏用是懼水距城之七里實得羨泉方將繕治隄防溝而納之禁中此神之職所宜聞也亢事之松不敢不告

修城門告祭祝文

宋子京

國塗南出城門內嚴將厲種燔稍加修飾神壘不集穿禁為傾仰冀靈休助駿役事

修殿門告祭祝文

前人

比僞庶工聿修嚴宇日无沓久績乃雄成上棟有初擊皇云息俾陳令薦以谷濟休

出師告廟祝文

邵公濟

彼虜恃強違天道理窮兵六月流毒四方其備位戎司義當報國蓋敵加而後應奠帥出而有力伏願神聰俯垂陰祐用克章於靈應俾尽掃於妖氛倘遂感通敢忘報事

修

日食

蘇子瞻

嗚呼日官底日突詔天戒正陽之朔將有薄食上心震懼側身修行誕布休命赦宥多辟凡在祀典罔不咸秩推神聰明昭監誠忱消復大等迎導和氣俾我有邦享天之衷民物康平以求

保神之休无斁

星变

邵澤民

今天子嚴恭寅畏泰若天道迹者星文变異实軫聖心乃下哀
痛之詔出罪已之言澤及万方以格天之明命又俾郡邑使凡
秩於典祀之神咸往告焉惟神聰明正直同国休戚其迎道和
氣消弭妖祥慰我天子厥報无夷

禱雨社稷祝文

維云々噫我侯社我民所恃祭于北墉崇陰之義陽九不返内
春徂秋迄冬不雨嗣歲之憂吏民嗷三謹以病告錫之雨雪民
敢不報尚享

祈雨

惟茲播事長茂於夏弥月不雨農夫告病惟神血食此土与守
土之吏同任其責如能大赫厥靈以澤群生不惟解民之憂寬
吏之責亦可以彰神之休

又社稷

劉後村

今茲之旱其既請于上帝禱于百神惟勾龍弃土谷之祖人民
之主也風霆致雨之神也敢不有告乎其下膏澤以沃佳菴其
當即吏民以羞祀事

又

前人

其于茲守土荷神之休四封之内良亩滿野悉旬不雨已齊荒
旱一稔之望在民甚切怕賜之咎在吏甚恐辦香稽首神其格
思油然而然以相歲事

又潭龍

旬將害暉移神豈熱然忘情乎若守無狀咎以身當斯民何辜
願拜神惠與雲致雨俾歲有秋

再祈雨

前人

昔者之雨尚未充足俄復并震風日尤酷豈教之在人者有勤
怠故功之在神者有斷續耶嗷拜非誦屢禱非清懇敗歲事以

為神守神与天通不疾而速覆掌河翻嘘氣垂雲簇發非三登猶
可中熟

謝雨

熊子復

幸願見日孰辭農憂翻手作雲雲被初蕙遂令蓋境咸迓豐年
俯薦微誠仰答靈貺

又

前人

四月不雨農憂方深三日為霖神惠甚大既種植之无滯則豐
稔之有期祇薦菲儀仰答靈貺

又社稷

劉後村

旱而禱國之典也禱而雨神之功也神之愛吏民如此吏民於
報本之礼敢不敬止

又仰山

前人

某丙午躬詣靈瑣甘雨隨應戊申雨猶未止黃矣赤日一變而
為冷風清露於乎非神其誰為之謹奉醴幣以謝

又

前人

某奔奔羣望旬浹于此癸卯之雨一漑而止丙午而後霖霖未
已稿者沾濡萎者奮起三日之霖麟筆所喜敬筆潤漉布諸祝史

又送玉淵泮水

前人

自威靈之下臨帥吏民而嚴奉始風日之災赫俄雲雷之撼動
既旬浹而遂雨果滂沛而傾洞救仙官而翻瓢撥野叟之抱甕
活原隰之槁枯蘇田里之疾痛仰潛蚪之至神念農扈之尤重
返雲液於齋齋命紺流而溉通忽瞬息而千里矣变化之妙用
未无玃倪去莫操縱鞭香矯首蓋雖送而未嘗送也

祈晴

熊子復

淫雨暴於春夏積陰翳於山川肆與比屋之咨將失甫田之望
惟神功而是賴願人力以何施願拘執於雨工亟調和於日御
使多稼下垂成而敗則此邦有屢稔之祥

又

劉後村

烏乎昔者雨禱而止田倍熟民大喜曾我日雨不休民皇之喜者愛民无喜客在吏神其意虧一篲决除霧舒陽光民歌舞神樂康

謝晴

後村

烏乎秋文之間兼旬陰霾坐愛嘉谷化為荒萊誰神之仁謂民孔哀歛雲歸岫杲日昭回場圃之間歡声如雷晴未愆期雨不為我神於吾民具有息哉延挹澗泉注此一抔

又崑山帝

前人

烏乎日在丁亥欵祠乞靈已丑雨止甲午遂晴青天白日万里開霽壯者腰鎌老者拾穗神之於民如鼓應桴酸酒春牲神勿吐諸

祈雪

歲殘膈破時雪无期麥事是憂且為疫疠豈惟吏懼神亦惻然夫能為民逆圖其利於未形而易履診為休祥者神克為之敢固以請

謝雪

雪不可飯无雪而民飢雪不已病无雪而民沒蓋雪固有不可以形而當陰為之利害者不特雪而已嘉平之夕瑞澤應祈診气滌除二麥以茂驗在素歲民飽无憂民將賓神吏是以告

又

頃以雪不時降麥无秋成亟帥縣官有請祠下神不誅吏賊思勤民盈天之祥崇朝而至更有養民供公之望民无匱神之祀之憂尚神之私為德必卒

水退謝諸酋

劉後村

屬者水冒通衢邑人大恐其躬禱祠下中夕水退烏乎神其无媿於血食矣不腆牲幣以答靈贖

雨祭

元旦

伏以星紀回天陽春頽朔載臨獻歲之始深揚濡露之懷祇見

宗祧肅陳薦享伏惟尚享

完食

伏以榆火肇新桐華云始有嚴禋享之礼用極追遠之誠仰冀先靈俯垂昭格

夏至

伏以日永星火律中糝賓宜祀事之恭修感天時而增慕仰惟先烈歆此薦羞

垂陽

伏以肅霜戒候泛菊應期仰昭穆之序陳異煮蒿之時享徧絜順祀用格先游

冬至

伏以書雲示履迎日履長感節序之既移慨音容之如在肅陳饋奠祇達孝誠

歲除

日居月諸飛走兔鳥今夕何夕屆此歲除歲月逾遠孝思不窮納新送故存歿所同歲三幸行酒饌常儀年三保護福履無之

又父近亡

去歲除夕式燕且歡上千百壽子孫團聚今歲除夕乃尔痛哭翁捨我去子孫无福此去不遠不復回頭人与此歲俱不少留坐守殘漏古今所同有酒易竭有淚无窮

祭高曾祠堂

干雲之木其生有根稽天之浸其來有源積善之家其枝必繁人本乎祖其義則然故馬援建伏波之柱而崇韜祀汾陽之墳其等伏自鼻祖肇基眇綿載推高祖奕世稱賢亦惟祖妣宜于家人卜居祖宅垂裕後昆用迄于今垂二百年環隣一姓其勿誌二占田而食越陌度阡列居而食乃瓦千椽從孝而仕衣冠蟬聯孰獲到此有開必先吾祖之賜亦已厚焉于何墟墓頽圯弗全松楸不植碣銘不存何以示後以求其傳其等合族是謀

詢于庶言惟厥古初及嘗有田以歲所入命工役人與類補弊
尅日取新今茲告成曷以致慶蹄羊卮酒用薦且饗

及第告祖文

其夙蒙茲訓幸處士流昔歲采芹嗟寸祿之弗逮今茲拾芥幸
潛德之有輝當此艱難之時既忝縉紳之末惟先知奉國以報
親尚賴慶餘亟躋朝末寵榮敷賁於先隴劬勞少酬於美我仰
異幽光俯昭丹悃

赴任告祠堂

熊用元

龍表上世之善慶服先人之義方自幼誦書及壯獲薦三上春官
叨竊末第一官溥領就成延平非祖之靈孰能相之載念初試
吏事有所未堪一行驚累保護迪吉善始善終尚終相之

奠祭

冬三首墓文

一陽蕪管五物書雲日南至兮霜露既降草木凋落山獨巋兮
感時潸淚觸緒痛心耿耿不寐展省松楸追慕音容嗟永闕兮

春月省墓文

祭者所以承先也傳之漸遠子孫散處无定而祭祀不能以時
幸焉寧不測然有愧於心方春雨露既濡少長相從故掃松楸
緬想音容其來有歆鑒此微衷

祭墓文

青山

書曰蕪種德易曰食舊德恭惟我祖種德於前而其等小子食
德於後春雨既降霜露既濡帥拜松楸以享以祀孰非先祖之
遺也靈德在天式克相之子孫二勿替引之

焚黃祭文

劉後村

先君之歿十有三年不肖孤皇二卹二行路万里始忝朝籍而
贈先君三品嗚呼所以顯揚其親者如此可謂微矣雖然罔思
也君命也先君之教也不敢不告

又

前人

去秋裡祀先君以三子陞朝進秩一等明年冬克莊免官還里

克深懷訪過家克剛方忝邑寄命禁其奉制書曰于墓下自官
制行而特進爲丞相官寵光之萃戶門極其厚矣忠孝以報君
父可以勉乎

又

前人

國家於祭澤無所靳於贈典有所止師臣極品不可以復加矣
然首容之隔一世矣宰上之木參天矣諸孤或仕或止燎黃者
七始拜公命寵光之隆豈感月之久長維榮也抑所以爲懼也
惟忠惟孝益各勉旃

事文類聚翰墨全書卷之四

四集

新編事文類聚翰墨全書卷之五

五集

祭禮門

祝文 祀先聖祝文

維年月朔日具官姓某敢昭告于先聖至聖文宣王惟王公孟
玉振集厥大成有道立教垂憲萬世茲密贊章謹以制幣牲齊
粢盛庶品式陳明薦以先師充國公沂國公鄒國公配
尚享

祀先師充國公祝文

維年月朔日具官姓某敢昭告于先師充國公惟公有孝行業
未達一間賢冠四科實惟亞聖茲率禮章釋奠于至聖文宣王
謹以制幣牲齊粢盛庶品式陳明薦後祀配神尚享

祀先師沂國公祝文

維同前敢昭告于先師沂國公惟公以魯而得以唯而唐傳德

其宗一貫忠恕茲率舊章後同

祀先師鄒國公祝文

維同前 敢昭告于先師鄒國公惟公中庸一書開示蘊奧先師傳之有功聖道茲率舊章後同

祀先師鄒國公祝文

維同前 敢昭告于先師鄒國公惟公知言知德亦克允蹈獲斥異端以承三聖茲率舊章後同

祭宣聖

周濂溪

惟王道德高厚教化無窮實與天地參而四時同

又

王介甫

惟王之道內則妙万物而外則師王者為緒餘於一時而鼓舞於万世學者範圍於覆燾之中而不足以酬高厚之德今與諸生釋奠而不後者茲學校之儀而具其所以愛禮之意也

十哲

崔正言

有教夫子之道無遠弗届諸生三千周旋天下唯神或容焉向入室或各著其堂然群弟之間迥異十人之列被服真儒之道優游名世之賢固有齋章歲脩祀事

兩節諸子

前人

在昔晚周異端並起祭我先聖闡揚道真維神或親見於當年或相望於異世或能服膺夫子之道高踐聖人之門垂千百年著見方冊功存名義報有典常

祭先聖曲阜

王斗山

江南廣信儒生王亦等適際天混車書氣通南北不遠數千里謹袖孤香致奠于先聖至聖文宣王曰詩書世次以魯繼周匪敢私周寧為魯謀厥有耆龜先我告猶于以素主于魯之際今為庶誰表誰旒此猶南面配以公侯載瞻闕洛每介不收真微言盛行中州昔在筵與馬俱浮有集者鷄覆貽魯蓋元化推迂如彼傳郵緬想神靈輒環席休粵書與夜積而春秋

郭公夏王缺誤誰謂夢在從之江汜阻脩九域甫一可輿可舟
今我不勇歲月其逝豈無他營載籍是憂奎光在天下燭六幽
願誘愚衷納以大猷懷疑若剖合思獲抽遂紹泗沂以訖邦鄩
望曾千年今身曾遊天地罔極清醕敬酌敢告

陳尚德

天縱聖智祖堯繼周道乾德坤仁春義秋大德敦化小德川流
三百二千洋之優之立教万世不王不侯周學黨萃祀事交修
以扶五教以永九疇歲祀殷仲日去用柔敬率諸生奉蘋藻羞

謁宣聖

朱元晦

其早以諸生推擇為吏中遭疾病即退立園乃得其耕耨之餘
日伏讀先聖先師之遺書夜思書行不敢以味陋自棄者二十
餘年於此矣比蒙 聖恩假守茲郡懇辭不獲曳輿而來疇昔
所聞庶幾小試蒲柳之質衰不待年憤耗支離已深不愛之歎
大懼弗稱以辱君師祇事之初敢以誠告惟先聖先師之靈實

誘其衷使幸不獲罪於其民而蚤遂歸田以終故業則其不勝
幸甚

又

劉後村

天子不以某為不肖付以一路耳目之寄昔者聞諸夫子曰使
於四方不辱君命某雖不孝敢不朝夕憂懼求其所謂不辱者
焉敬謁文宮以告

新學落成告文

張欽夫

伏惟朝享新成謹率僚吏與鄉食之士行釋菜禮敢不稽首再拜
思所以祇告明訓

鄉飲釋奠告文

洪惟聖王不闡又教揆時制禮合於鄉校律我附庸欽率令典
德齒在少爵洗在祭母敢慢爭以瀆五行一獻之禮用先厥成
辨宣聖廟

其祇受朝命來守茲土誦夫子之言行夫子之道尊美屏惡居

敬行簡以施于政以臨其民矣自勉而已茲緣申命領計東南
去此有日敢不致恭宇下伏惟尚享

祭社祝文

崔正言

維年月朔日具官姓某敢昭告于社稷之神維神有德有功維
國有祈有報著在甲令率為舊章時維仲秋歲修祀事犧牲肥
碩邊豆淨嘉神其居歆庶無罪悔尚享

又

張欽夫

敢昭告于社稷之神某被命來守此邦敢有闕謬願降災於厥
躬而無以疵癘于斯民惟明神實昭臨之

祭稷神

惟稷有初司我下土幹旋生育功用莫禦

謁社

朱元晦

勿被恩除假守茲土載惟社稷民命所依祇率故常按行封疆
用嚴國典式對神休謹告

又

張欽夫

某恭承皇命來守遐藩視事之初祇見壇壝惟神克相惠飭此
民政有乖矣罰止其身

祭勾芒神

竹隱畸士

方歲之春俶載南畝惟尔有神相我稽事既敬既戒神其佑之

又

土膏徐動農事肇新永惟先事之祈欽致迎春之祀天駟呈瑞
土牛示耕神垂千里之耕時詠麥豐之頌

祭五岳

天以神筴宝玉付畀 皇帝帝用祇栗不敢寧康躬臨會朝獲
受顯命推美弗有歸功自神深詔有司肅致明祀惟帝胙國協
于休祥敬修必芬祇報靈祐益茂厥福用永相于皇家

祭河濱

汪彥章

惟神以海為宗主百谷也霧電風雷雨停蓄也曰雨曰暘相民

欲也鞭答群龍起潛伏也方春敷祭俟嘉沐也胡爲陰陽矣盈縮也水泐旣融潮未復也戢然千艘星嶂屬也聖人中天世司牧也一夫阻飢爲頻蹙也豨豨乃屯懼得腹也神寧力予卷揮沃也虛呵起難費弁躬也詔恩臨祠奉牲玉也尚駟雲師賦舊足也繫繫邦是圖豈私瀆也

祭南海

劉後村

某昔者讀祭禮而知海之尊讀韓碑而知神之靈茲以使事舟出祠下辦香卮酒微福于神維粵之南去天尤遠民生今日凋弊可哀其當推君之澤而致之民神當爲民請命于帝庶幾田里之內愁歎小寬嶺海之間留害不作旣矢諸心復質諸神

祭名山大川

名山大川神靈莫測望祀之典敢不敬恭肇始二壇用伸祈報惟神歆格佑我下民俾雨暘若時歲事登濟罔有留害以隴神之休惟吏謹當率民奉事自今以往終古無斁

祭灑江堯山

在禮諸侯得祭其境內之山川惟山川之靈能出雲雨故爲禱祀之所依堯山灑江此邦之望也而壇壝未立修敬無所茲以夏秋之交近旬不雨農夫望歲之切用敢瞻望再拜以致悃誠且遣官僚奉祝以告伏惟靈惠孚沛爲甘澤俾克有年圖報之修其敢後後

祭海陽山

嗚呼海陽之山呼吸雲氣惟邦之望而民所恃嗟三晚稼亦旣成穗屬時驕陽垂成莫遂惟神至仁矜此憔悴觸石膚寸一境是比沛爲甘澤成我豐歲孚于下民亦答神惠

祭烏龍山

竊惟古者諸侯各祭境內之山川嚴其壇壝索其幣牲以致吾誠焉耳後世立之棟宇設爲像貌其失甚矣仁安之山實鎮茲土風雲變化雨我百穀是惟神靈民所依賴而禱祀之所曠然

夫請其何以收聚誠意克有感通肇始茲壇亦既訖事謹率僚屬再拜以祀惟神昭相俾雨暘以時嘉生無方吏雖不敏敢不率民故事永以無替亦惟神之休

祭仰山

劉后村

某少讀羈集知神功惠自唐至今又數百歲神於表人眷顧罔替表人於神飲食必祭某剖符入境靈瓊首詣時方艱虞負寡民弊眇然長慮何以爲計惟神洋洋左右上帝永相此方捍留務教民各樂生吏亦免戾神不我吐敢此醴幣

運司土地

州土地文

茲由庾司挈入漕治雖曰受命於君豈敢不徼福於神乎敢告

州土地文

劉后村

公蒙恩此來既入州宅且視籀文矣徼福於神庶克負居

縣土地

公誠已于茲欲與神人相安視事之始敢告

具文土地

斯文所在千祀精房斯文之具地靈實扶洋一茲誦濟一生徒于溪澗之菜礼非有餘相我斯文惟永是圖

赴舉祝文

命鄉論秀國有常科經術詞賦士有常業寢然窳且發擢所李班揚泉重動非人英詞傾三峽筆掃千軍矧建此邦地靈人傑天詔一頒士心擊節焚膏繼晷探賸研幾人事既盡天理弗違賴尔有神實相斯土啓之迪之張我軍伍思如湧泉氣凌雲煙蛟龍得雨鴻鵠摩天牲酒告虔神則不吐煦翼秋風在斯一幸

周廉溪祠

晦翁

惟先生道學淵懿得傳于天上繼孔顏下啓程氏使當世學者得見聖賢於千載之上如聞其声如睹其容接受服行措諸事業傳諸永久而不失其正其功烈之盛蓋自子思氏以來未始有也某欽誦遺編敬啟蒙吝茲焉試郡又得嗣守條教於百有餘

年之後是用式嚴兒象作廟享宮并以明道先生程公伊川先生程公配神從享惟先生之靈實鑒之

文公祝文

劉后村

烏虜魏文公宋之夫子翼考亭建之闕里竹林蕭三下有精后於此授徒於此著書後千百年過者必式拜俯洒掃邑今之職昔祀于復今迁于堂配以高第傲如茲觴

又

前人

今天子請西書傳注追懷儒宗親洒宸翰師垣公爵赫然光寵昔夫子追王於唐朝而充鄒以下封爵皆後世有司所裁訂未有議論定於當時復崇發於獨斷如陛下之於先生者也敢因舍菜敬奉且邊以告

又

前人

嗚呼統緒授續義理復全先生之大造也歲月遒邁聞見日卑後季之大貽也公古諸生脩春祀于祠下進瞻德容退攷遺編敢不勉旃

兩太史祠

宋章齋 范太史

劉后村

嗚呼紹興之初相主和我孰折其議兩太史公未迁攷亭子為儒宗范世有人喬木清風先將有言志同傳同合而祠之疇敢不共

兩聘君祠

魏良齋 劉亭堂

嗚呼高皇南渡物色莘堂直檜入相引身高翔阜陵勅與聘召良齋拜疏不已拂衣歸來莘堂節全良齋言立誰謂華高庶企而及

黃勉齋祠

劉後村

嗚呼觀其於翁塔之際觀其師友之際可以知勉齋矣其為令于茲始以勉齋侑食文公蓋當世士友之公論而非吾黨小子之私情也

蔡西山墓

江万里

於而書象數之季未能識其万一也獨嘗得与先生之孫遊

亦且再世矣。瞻彼靈臺山川廓然，陰陽之氣為元為會，其何時一遇而後生斯人乎？抑猶在山川之間乎。

劉文簡祠

劉後村

士大夫爵高而德尊，身歿而言立，上之史官，下之太常，而初無貶辭，祠之冬宮，列之先賢，而里無遺祭，論如吾文簡，公者可謂盛矣。其粵自稚齒，嘗聞緒言，謹率諸生共脩春祀。

先賢祠

蔡西山 劉翰仲

魏齋 邱齋

果齋 九峯

陳此山 陳尚德

道在宇宙，更昌更微，其出如旆，有地有時，侯洛之會，千載一泚，百年以來，文在于茲，考亭崛起，豪傑奮飛，而第勉齋，靈莊墳麓，北山果齋，肅應氣隨，二蔡兄弟，以友以師，一時羣賢，再肇洛伊，卓哉文忠，從而張之，德行問學，政事文詞，洋溢中國，外溟海涯，自有七閩，未有若斯，後未之士，抑何幸而精於安靈，百代肅祇，追往詔來，恭惟格思。

祭諸廟

郊赦祭諸廟

聖天子幸郊禋之典，覃曠蕩之恩，海宇齊慶，神人以和，惟神之所以血食，此土者，國家之澤也。吾吏民之所以安居，此邦者，神之休也。用因津赦，昭答靈醜，不敢不告，尚享。

又

上以冬至之日，至謂歎天地有事于南郊，均釐宥罪，覃恩万方，允聖帝明王忠臣烈士功在民者，勅咸致祭，神應致祭，敢不恭行。

春祭諸廟

四時之間，境內無有水旱癘疫為災，雖有常數，亦神祠之春事。在時甲令有祭，准神本所以得祭之節，無忘相民使公常獲率先吏民以奔走事神，民則無辭，神亦無羞。

秋祭諸廟

吳雨岩

食者民天，稼穡惟宜，神賜之雨，先重，聖好晚，稻棲畝，雨賜未保，嘗扣祠庭，為民申禱，汗耶滿車，皆神慈造，豚蹄禮微，有祈有報，民食既足，當懷其生，行樹不用，梓鼓不鳴，息歸卒頑，訟簡刑清。

愚守德薄何將可臻補誘民衷俗返而淳既報復初神依人行

岱宗之為喬嶽奠彼東方潤浦之有別祠庇茲南土猥膺宸簡
初布藩條若時吉蠲蓋邦彝之是率惟帝陰陽庶吏責之可逃

祭常山文

蘇東坡

維熙寧元年歲次丙辰七月某日詔封常山神為潤民侯十月
某日具位縣軼謹以清酌少牢之奠昭告于侯之廟曰嗚呼旱
蝗之為虐也三年於茲矣東南至於江海西北被於河漢饑饉
疾疫交靡有遺矣我瞻四方大川喬嶽食于斯民者甚衆而受宥
於吾君者可謂魏矣近之而必聞來之而必獲惠我農夫而
救其灾沴不為倏靈驟雨苟以應禱之虛名而有膏澤積潤可
以及民之實效卓然如疾者幾希矣凡天子之爵命有德而致
之則為榮先功而享之則為辱今侯澤此一郡而施及于四鄰
甘受五等之爵而被七命之服也可謂无愧而有光輝矣願侯

益條其實以充其名上以副天子之意而下以塞吏民之望民
其奉祀有進而無衰矣尚享

謁成皇

秦少游

淮西古城形若垂瓠帶以汝水生齒實敏繫惟神朝食此土庇
一方敢致酒牲用嚴薦見躬趨于庭疇敢後特

又

朱元晦

公抱病田間不堪為吏久矣 聖天子哀冷不忍終棄強畀符
竹使為此邦輿曳而來亦既視事以衰耗罷教之賢富民貧財
匱之際大懼囁闕無以克富明恩惟神受戕於朝廷以食茲土
其與命吏憂責惟均其亦有以相之使民安於下官給於上而
公也早得收其疾病之軀以故老故丘則神之賜大矣歛謁之
初敢以誠告它不敢以有所祈謹告

謁諸廟

劉后村

公切惟幽明各有其職去貪戕暴使賦役均刑政平部使者之

取也捍苗除患使風雨調魚稻熟非神之賤乎謹奉香幣以告

辭廟

前人

公來南兩載迭更度漕若闕與舶皆嘗次攝無勞於國無德於民一筆勾去軌云不宜茲蒙上恩歸奏使事向君省親臣子至願望不及此神實福之謹奉瓣香稽首以辭

又

前人

公來無異績去無遺愛然三年之內固空訟少吾民不識水旱神之賜也秩滿當去稽首祠下

又

傅伯壽建寧府

其假守此邦頗未二載荷神之佑雨暘時若年穀登稔繩治豪強因被重劾荷上寬仁許解郡章而罷去惟神聰明正直必有以鑒臨之其去不敢不告

事文類聚翰墨全書卷之五



新編事文類聚翰墨全書卷之六



祭祈禳門

道家

警語活套

青詞

聖節

聖節啓建

李舒州

璇穹凝命垂元洞之秘文沙麓開祥屆慈闈之誕序按冲科之妙式祝聖母之脩齡跋其境以扁誠祈高靈之委听恭惟○○伏願坤輿載物壽域路民德配堯天冒乃邦而永瓊功昭舜日弥億載以常明繁歲極之鑒觀擁皇家之錫羨

滿散

毛燭柯

諸休霄極兆青華而發祥占象星躔炳紫籙之正位有祿靈奔高詠瓊文慶釐事之消成迪天休之滋至益祈順助永介純禧

春祈

熊子復

春華有屏肇見於初元道妙無方夙聞於善應輒常時之官燕

爲闔郡之民祈被茲黃堂瞻彼紫極整惠表而上達企真馭以
來臨爰由是邦仰蒙諸福時和歲豐而有休嘉之氣家給人足
而無愁恨之聲王既寬憂吏亦必責

秋報

分地之利豐登幸一於金穰荷天之休酬寒敢忘於瓊報俯依
蓬車仰薦芳繁切念其已分是安放心爲主畊籽稼穡既充谷
腹之期藝植兼麻亦遂絲身之望霖雨繼淫而隨弭驕陽亢
以旋消春生之夏長之秋收也冬藏也因念小康之喜乃資大
造之恩爰命黃冠乃陳清醮于以效獻芹之禮于以申結草之
誠殷富安寧既已拜鴻恩之賜叫置隨奠尚祈无虎政之苛



春祈

一氣轉洪鈞久際發生之喜百谷仰膏雨敢忘祈禱之誠仰望
虎闕俯伸蟻悃切念其服勤東作效計西成適逢青帝之司時
忽致旱魃之爲虐遲二暖日轉爲看日之嚴書二社風扇作驅

風之吉病綠悴張波之麥敗黃枯出水之秧春畊之際如斯秋
稔之期何若謹陳清醮用叩皇穹伏願金闕弘開玉宸降鑒洒
弥天之潤澤沛然而施洋洋而流回易地之歡喜憂者以樂病者以愈

夏祈

日熾朱光而徹地久兆龜時露陳丹悃以告天異沾鴻澤切念
其衝茅者活稼穡知艱欣然畢力於春畊忽尔驚心於夏旱魚
池執熱如居鼎沸之中蝸舍重蒸若在甑炊之內早稻有田田
之白死晚禾无畝畝之青生可勝狼顧之憂徒切鶴鳴之望未
知攸止莫敢或違乃陳清醮之儀異沐洪伏之賜伏願傳宣風
伯移詔雨師沛然下洋然流撲滅紅妒之焰出而休入而息挽
回綠野之和

秋祈

農天望稔喜逢秋月之臨旱魃以蒸爰甚春冰之履俯殫愚悃
仰徹帝聰切念其黍稷是畊稼穡匪僻豈意收成之候尚餘炎

赫之威流斷江河空有枯禱之具圻形由畝莫施耒耜之工雲
拜二兮風使之醜日暘三兮雨无以至乃陳清醮敬頌皇恩伏
願敬開虎豹之闕振起蛟龍之蟄油然作沛然下飛揚銀竹之
沾濡時者悅愛者欣醞釀金穰之嘉瑞

祈雨

劉後村

窮則呼天既禱祠之遍率嗟而求雨庶幾籲之上聞謹托綠章
冒陳丹悃伏念臣承流亡狀致旱有端戰兢二甘一身之即
謹炎三赫二顧千里之何辜或盈澮而復乾或閤雲而不下此
念未通於幽顯胡顏何見於吏民輒為四邑之生靈上訴九閻
之主宰伏願曲垂帝監深閤輿情川澤氣升速觀翻瓢之快田
疇水足少休抱甕之勞

又

熊子復

上天愛物必令万彙之蘇小吏字民願救一同之歉仰投直宰
俯控危衷維此暨陽存惟歲旱臣比初達於封境即親視於郊
原麥苗雖出而悉已萎黃溪港不通而僅存涓滴待百餘家三
升之米多難批據數里及一里之泉半扣泥滓賦畝坵裂不
堪鋤犁室虛空虛无可償嗚念荒時之難度惟造物之能蠲祇
即琳宮金盞瓊殿伏願賜雨霖之滋潤慰田野之焦熬民所欲
天必從諒蒙休惟今以始歲具有庶望乎小康

謝雨

昊天罔極雖无声臭之可聞赤子籲辜乃有雲霓之大均惟不
言而善應故所欲以必從總伸懇禱之詞即賜滂沱之澤嗟其
至於累日沛然雨於連朝孰云猶病於夏畦誰莫不同於秋稔
實出空宮隆之佑敢忘報謝之私重演青科仰酬洪造伏願上帝
降格列聖俯臨享于克誠永保年康之运用自今以始更祈日
監之殊休

祈晴

祈晴

雷雨霏一父切愁霖之苦晴雲藹二敢伸慶景之祈仰上高穹

俯仰卑悃切念某崇歲止期於田稼兼旬恣苦於登晷花夜息逢
君厭聽瀟瀟之韻朝晡永罷忍觀衝岸之流可勝大過之憂爰
啓中字之信敬使芳艸謹叩頂清伏願縱諸陽閉諸陰斬補蒼
天之漏宣其光豁其翳融為易地之和

謝晴

淫雨之雨實為下土之憂白暘而暘隨感上穹之賜雲葉欽陰
陰之翳日華舒赫二之光何天之休易地以喜爰嚮薦禱之禮
敬伸結草之誠伏願有始則有其終自此三登而樂歲無過亦
无不及繼茲庶徵之若時

祈雪

祈雪

黃飛方葉漸當改歲之辰白散六花未覩豐年之瑞俯仰丹悃
仰叩皇穹載念冬時如行春令桃穠李盛已萌先卉之芽松茂
柏蒼未盛後凋之色邊切陽薄陰凝之望且為陰胎陽孕之憂
冀呈平地之觀瞻爰即上天而祈禱伏願滕神施巧巽伯伸威

无臭无言剪碎銀河之水自形自色洒為玉宇之塵消除疵疢
之灾危醞醱太平之兆朕

謝雪

昔叩蓮臺祈致飛花之瑞今修蒲饌用申結草之誠功德不可
稱量法力敢忘報謝仰大有孚之惠俯陳无碍之齋散慈雲而
作同雲既得瞻於六出舒慧日而為愛日尚冀遂於三登

保安

上元頌保安

春發生而有象 屆初元道高妙以无方夙稱善應按常年之
官典為闔境之民祈淨彼琴堂仰瞻瓊擗整丹衷而上達紫
府以來臨保茲蠶三之泯降彼穰三之福无灾无害三光全而
寒暑平時雨時暘五谷熟而民人育

上元為衆禳灾

節應上元共請天官之福昏祠大乙頗依漢殿之儀人皆絃觀
於火樹銀瓶獨啟誠於金科玉契式嚴廣見仰安宮黍離陳沁

止之毛灯列星辰之耀集良宵之妙果保新歲之庖休百勿驚
山蔚有壽山之象千門鳳燭薰為玉燭之祥

中元保安

節屆中元正屬地官之檢察生居下土庸干天帝以祈袞俯殫
精白之誠仰徹圓清之聽切念某凡籠賤質塵宇幸氏吞食充
盈莫報含弘之德蟻封旋折或虧踐履之真愆二善果之周零
惻二業花之繁盛既乖厥行速戾于躬幸丁赦罪之辰敬設保
安之醮伏願兩班星拱万聖雲臻祖廟靈魂俱濟金橋之渡族
居壽筭咸升玉簡之名

下元保安

顯帝司權甫屆下元之節水官考籍屬當下降之辰謹殫拱北
之辰敬展朝東之礼切念某性端泥滓清膏波流循二苦海之
中淪胥以敗泛二善淵之內汨沒而墮冥莫能御之何嗟及矣爰
致潢汙之薦奠沾滂滴之恩伏願時應小春有爰日祥雲之慶

德蒙大厦无震風凌雨之虞禍擁川增澤滋河潤

北斗醮保安

斗居其所密專喉舌之司心拱乎辰庸示肺腑之蘊敬達紫微
之清听用祈洪覆之私恩切念某命屬上穹身居下土延年益
筭但祈麟瑞之生好道求寧莫悉難朝之礼幸切照臨之德乞
臻安靜之休茲卜良辰特陳醮礼伏願生我來養我來護我來
三台叶贊昌尔俾壽尔俾耆尔俾百順駢臻

南斗醮保安

星垂六曜睽居離麗之方露布一忱敬設常規之醮上報已然
之厚德下祈未至之弘休切念某兇守愚二燕安兀二耳濡目
染安知四大之因口誦心惟莫究三清之道伊誰是咎实我之
由幸叨覆憲之恩迄遂康寧之福茲尽蘋蘩之薄礼特傾葵藿
之微誠伏願真君真宰賜哀矜至聖至尊來印可奏各童子獨
除既往之過愆注籍老人豫錫方來之福祉

袞星建醮頌

皇天無私惟曰公實均覆燕君子有命不謂性當致祈禳俯陳
誠感之誠仰叩乾元之聽切念某五行素蹇百事俱屯載觀日
者之書適重時哉之數凡茲凶曜既居伏流逆段之鄉維彼吉
星反在失陷併衝之域深軫徹桑之慮恐難滋蔓之圖爰卜剛
辰特陳醮禮伏願刑囚退舍祿貴還原哲煌煌消錄冥之
禍孽穰三簡二綿延永永之福基 又見患
懼災於既遇之餘已極喉膺之悔保安於未然之頃敢忘稽首
之恭竭地申言籲天致懇切念某偶鍾疾疫屢至憂危求鑿无
三折之良服藥空十全之效乃憑術者歷攷星臨五行之衝併
可憂二運之返吟益甚况火羅計字迭具稔禍之端雖日月木
金莫負扶危之力有斯疾也其如命何謹憑玉筭黃冠啓誦琅
瑯綠字所冀以丹衷素願滙通於紫府清都伏願拯我膏肓周
俾倉公之驚駕畏壽予命脉永同彭祖之綿長

生日保安

江發

有生之衆所慾不同貧者願乎多財富者期於不死賤者志求
於顯達貴者思保其久長人既無厭神亦難應臣雖无似志實
不然雖亦有禱於三清惟乞无灾之一字但以私明多故歷載
不寧齒髮交於艱危精神耗於憂慮爰因生日虔扣上真庶幾
天高而听卑所謂物窮則反本使身心安穩尚復何求眠食康
寧便為至足其他外物一付自然既所請之甚微宜必從於祈
禱 父生日 詹友梅

父恩難報何以用情子職罔修若為及礼敬伸丹悃恭扣清都
伏念臣在堂父某生子劬勞持家勤儉伏值始生之日庸修太
上之科慶命道流肅陳清醮專為父臣公袞灾謝過請福迎祥
伏願三極垂慈九天錫祐俾耆俾艾壽膺五福之全百歲日昌慶
衍一家之厚

母生日

劉後村

賢如蒲柳甚矣易衰年在桑榆慄乎可懼乃即始生之日輒伸善禱之情伏念臣妾少頗艱勤晚尤澹泊身多灾疾豈能無性命之憂家素清貧未免有兒孫之念倘不皈依於大造若何全護於餘齡伏願鑒此精誠錫之壽域懷鍼藥艾不勞方劑之施戲綵含飴永保團栞之樂

新居入宅保安

前人

女笄男弁頗驚碎累之多考室子堂聊廣先人之舊落成之日徵福于天伏念臣嶺海脫身家山屏迹昔存蠅舍粗蔽於雨風今若蜂房各開於戶牖即東偏之隙地闢小築之數間魚云棟時日之吉良尚恐犯方隅之禁忌屬孟冬之叶卜命二息以奠居上以奉庭闈之清温下以帥閨門之雍睦非叩閭而默禱豈闔室之敢寧伏願憫此艱勤遂其安逸首全苟合師先哲之格言乃寢乃只符占之吉夢

赴任入宅保安

後村

重趼而來頗廉舟車之役息有云始方是棟宇之安敬練剛辰俯陳半榻伏念臣退藏不密浪出有漸將母晨昏既違此志全家飽煖亦獨何心况以諸生力量之輕任茲一道耳目之寄何以慰士民之望何以報君親之恩屬當臨蒞之初爰彙彙被除之典伏願辨香上格慈馭下臨援臣孤危之蹤開臣平反之智獄无冤氣不奎干陰陽之和家有安書庶少寬温清之念

又淮東總領

吳雨岩

蒙恩總領實關備禦之大經歷告廷臺庸秩被除之彝典俯殫忱悃仰瀆高真伏念公標襟散才蒲柳弱質出身任事先自保於庸強竭節效忠願俱无於并格非智力之所及惟造物之焉依百順叶從寬此願夢責一塵不動晏然宿飽之師

赴任保安

百年俯仰困陰陽造化之區千里駘馳得失憂危之境漚舟裹而狼禱叩洪造以皈依伏念公蒲柳微家塵埃賤職自是懷

鉞而抱慙敢言發策以決科千佛名經設中太常之第一行試
吏濫分南郡之符材濟事業人輕責重外則曠錄之為懼內焉
疾疚之是震厲將首於征途爰肅陳於清醮無動高真之降密
垂覆靈之恩由公及私既安且吉壽山福海資道力以弼昌瘴
雨蚤風仗皇威而一洗

在任保安

曾炎

大歲在酉適逢元命之年炎帝乘維方啟正陽之月茂迎脩景
作衍多祥伏念臣家寄雲川戩厝閩橋獲三百指之碎累涉一
千里之長途詔覲嚴宸幸已踰於願望道經曠地喜乃慰於平
生敢即靈辰肅陳菲薦伏願慈真來格列聖垂休妙道難名必
俯有情之懇諸福必至永依无極之慈無及矣不庭羊蒙其禱

郡治保安

郡符兼轄已班千里之春星曆肇新甫近三二之節慨念群生
之多故固知大化之密移禍福无門盈虛有數倘任民者或懼

於疾病則為吏者敢後於修後是用預卜良辰肅陳清醮集霞
衣之仙侶演藥爰之冲科為合境之請祈叶崇霄而露悃伏願
雲軒降監風馬來臨燈火万家慶三陽之初泰璇璣七政異六
診以潛消

為環保安橋成

熊子復

力小任重妄萌濟人之心日夕月長全有成橋之漸既以餘財
經營義塚又於隙地恢拓新方臣雖與其首謀衆實為之計助
乃消元日虔叩真遊如臣其事之徒初非徼福庶天降康之意
或可同安

當役保安

在鄉執役但祈桑梓之安望闕撫誠肅致齋藪之薦露申素願
日異洪休切念其鑿牖以居石田長守未子癡兒之事濫為里
正之名然東鄰西鄰或有東西之警言而南道北道豈無南北之
虞其是曰重難豈容輕易爰命黃冠之七爾陳清醮之儀焚焚微

妙香宣揚必密語伏願昭顯好生之德金觀味死之誠族黨北
閩俱賴方聞之庇康寧富壽咸臻五福之隆

獄中保安

聖王矜卹德務廣於好生縣邑承流延弊聞於留訟國家開暇
因園空虛豈令尹之敢專實上穹之垂祐敢憑梵力昭答洪恩
祺祥摠遂於春來刑辟尺隨於臈往既興善念圖彙上扣於慈
悲更藉餘休編戶益躋於仁壽

疾

為父保安

李刘

爰敬於事親敢忘喜懼恭祝可以享帝惟務感通輒拜冀一
之誠仰瀆萬一之聽伏念臣父某高年耄矣衰駸儲然少遠攝
養之方稍致虛羸之疾胃弱倦於飲食疥癢疲於抑搔敢應元
命之辰恭設上穹之供仰祈真聖俯鑒丹衷病勿藥而遂瘳壽
如山之益固誓崇至道永谷洪恩

母病保安

刘後村

小人有母一疾甚危皇天無親至誠可感仰戴生全之造俯陳
喜懼之情伏念臣某母淑人林氏晚年齒沉綿春夏暨師迭
進不知補鴻之方兒女痛前忍見呻吟之狀遂於中夜各禱上
穹願減微臣之年以延慈母之筭寸心既徹請苦頓軫然餘志
未之及平願太息无以少報敬羞非為恭謝高真伏願吉曜臨
身灾躓退舍蠲除執念不煩藥石之功降鑒福祥永保操樞之壽

自病保安

劉并山

福可祝而來雖繁聞於往訓天不言而應實默感於誠心敢負
青淺仰干絳闕伏念臣某偷眺景闈闈微生惜寸陰登二潛移
矧精意擎二為善日邊雨露深漸服之宜膝下冠髻坐享板
輿之養家休有自報德斯難每如戰三以臨深无日高二而在
上式消人日爰被家庭廣延羽觥之流爾演瓊文之祕蘭場重
席既明薦之恪修禮馭景壇想雲游之來下伏望俯垂清鑒不
錫真祺國所無无妄之灾慶流澤衍四境有一秋之樂遠至还安

妻病保安

丹砂日進深惟中饋之憂紅篆露陳庸致上穹之禱切念妻其
近因疾苦未獲安痊命脉回生者百无二三膏肓致死者十有
八九醫護折肱之異命將累如之危或云衆藥之誤投或曰五
行之交併爰殫素悃虔命黃冠肅啓蘭庭容叩玉宸之高聽願
言荆室得逢金匱之良方

子病保安

熊子復

情鍾愛子幸斯世以皆然物極呼夫坐窮途而至此敢陳激切
仰瀆高真伏念臣小男崇慶稍脫痼疾復成癱瘓夜呻吟而達
旦日保抱以如年矧方蠢蠢二以无知命之不易乃若呱二而弗
採人謂斯何所冀幽真特加矜憫閱其小子於當痛以何堪錫
以陰功廣更生之可望

叔父病保安

劉田甫

瞻天道之蓋尚望垂卑聽願雲程之已在尚有餘情謹瀝寸私
仰干洪造伏念臣曩因叔父遠播州麾風聞疾歿之雲日疾平
安之報謹露香而致禱祈勿藥之收功奈素願之頓違念前言
之敢食恭修玄典武表初心慨今昔之已殊何嗟及矣觀神祇
之如在幸鑒臨之

兄病保安

疾病相扶誓切錫原之念言消載禱敢祈鴻慶之息切念其為
德甚涼宣靈最弱近染一朝之患遽為四体之憂眩眩俱投莫
禦玉枝之汗沈迷益其靈求金匱之方險於兢戰之危揚若急
難之苦謹陳清醮用叩皇穹伏願錫神鑿而助世醫賜靈藥而
資凡藥攻不可達不及命勿致於膏肓和且孺樂且耽義庶幾
於手足

弟病保安

請命帝闈素軫急難之義脫身鬼錄之錄獲壽之休爰奏綠章
敬酬洪造切念其謀深竭舍念切錫原頃因手足之親遽檢膏

育之疾百藥俱試既元君臣佐使之功五枝既窮徒有卜祝盤
巫之請爰控靈臺之敬異沾廣宇之恩果沐好生得安垂元再
命琳宮之士特陳玉簡之文非惟殫白水之盟抑亦報皇宮之
德伏願鑒觀昭若降在茲棟宇中常有同氣連枝之喜前
花庭畔永无改柯易葉之憂更冀隆居咸獲壽域

求男 祈嗣

劉鎮

大道善應无方躰之可求人欲必從有情性而不感敢傾微悃
上瀆高聰伏念臣癡放童心顛蒙駑質雖自勉於一息譬婦動
之何如少也不祥早神傷於陟岵長而亡賴情徒待於凱風以
小言无益而莫為故定命靡謀而弗祐絲衣以養母慰母心完
簞空陳未遑能夢輒憑清侶仰扣圓真庶通葵藿之誠陰錫淑
審之福伏望大鈞廣運洪造由成肇幸添丁與共勤於農藉常
樂有子永均賴於國風

保胎

娠育保安

女子有行遽違慈侍婦人免乳實抱私憂伏念臣妾某氏昨以
妊娠感於夢寐遠父母兄弟殆猶驚噩而成待禱一卜神後蒙家
生全之望果蒙化育陰陽護持既無坐禱之厄復有抱雛之慶
敢修菲薦不昧初心伏願吉曜昭臨戒隄消弭乃安幸甚謹開
卜兆之祥言采蘋繁益致闡儀之謹

產後得子保安

熊羆在夢曾伸丹悃之誠蟻蛭酬恩庸格皇穹之聽切念其安
其氏質之甚弱命乃多屯頃因誕月之降祥寶切覆冰之加慮
璋期載弄莫安在寢之心珠欲重擊未入捧觀之掌惟冀保安
於中饋敢云微福於上穹果蒙乾父之休遂獲震男之喜效天
獻禮之禮敬殫寸忱之忱伏願雲祉用敷電旌來駐護我添丁
之累鑿三切已之祈伏願其男克嶷克岐早識居易之无之字
何思何慮永消董鳥顧盼之憂喜自見於充闈能庶幾於當戶

求嗣

袞灾建醮

思慮煩勞憂控祈禳之請无德可報取志籌謝之誠輒言無謂
上干天聽伏念臣某沉淪火宅膠擾塵寰罔知生籍之方未免
愆尤之累齊明庭之坎壈兼夢想之紛紛爰在去冬特伸愚懇
許設鎮天之醮欲消在已之灾既沐洪休首負元約况微陋尚
祭於拙疾而大運猶值於伏吟或修營誤觸於禁方或交涉妄
招於呪咀先龍恐乖於陰益宅神未及於維持每切驚惶且思
袞禮恭遇真君誕節謹依太上玄科嚴潔塵居虔敷羽士誦玉
篋琅函之宝教建南辰北斗之星灯仍設醮儀敬酬息願伏願
衆真來格列聖降觀俾下臣卑意以周圓沛法雨真風而浩蕩
念洗從前之外茂迎此去之祥吉宿臨宮惡星退照壽齡益永
長瞻南極之光福体愈隆坐躡春江之浪妻兒安泰戶宇數寧

經商歸還願保安

利者義之和愛致蠲營之利誠者天之道敢忘蟻報之誠仰望
雲帝俯申露布伏念其某卑賤所習浮蹤航海舶江惆悵風

舟之渡重塗軌道間關兩轍之行惟資玉帝之洪休得而金刀
之重賞然遂還家之喜可為潤屋之欣爰清蠅舍之塵愛命羽
流之士特懷贖礼肅拜藥章伏願乃聖慈慈二清昭格訪二暴
暴致立山河海之財簡二穰二錫川阜岡陵之福

經商不回妻還願保安

念彼靈祐又作无聊之旅惟茲荆闈敬拜有感之誠仰叩高明
俯忘卑賤切念夫主某言鷓夷利為子長游日邁月征莫遂鴻
魚之寄風殄兩卧可勝雀足之勞彼在天之涯此在地之用未
得旋車之喜徒深奉按之思式遵玉賈之文爰籲金門之聽志
心改命精首祈息伏願夫主某動淵明松菊之心具張翰尊鯨
之念不留下行休轍迹之間闋言旋言歸得致刀頭之盟信

經商病家人還願保安

途旅營謀忽致疢痾之苦家人獲報可深兢戰之憂仰叩玄穹
俯申丹悃切念某人蛋足千里糊口四方近收動履之書遽冒

傾危之疾問寒異神農之效尋醫求倉扁之靈雖上下之間未
至膏肓之險然左右之際孰為心腹之親茲命黃冠特陳清醮
伏願察我豚魚之信貶茲螻蟻之誠處家者居之安在外者病
以愈淨蓬飄之雁元僕夫况瘁之疑桑梓來歸燕預團祭之喜
酒戶還願保安

酒乃百藥之長因為待價之活天者群神之精容忌畏威之敬
俯陳片獻仰奏蕙章切念其稟性惟醇處心甚淡擬欲經營而
罔利爰資醱釀以謀生然糜爛稻粱或犯穹威之譴重蒸麴麩
恐干后土之靈沉迷龍斷之弗醒活酒蠅營而如醉茲建常規
之醮載酬乾露之良伏願克敬惟親既注勿咎麴生有味得青
州從事之佳名推子无賒獲白水真人之厚息

米舖還願保安

食乃民之命因為果余之謀天惟德是親容整精誠之禱切念
稟安分情深極飢念切素務錐刀之利祇圖升斗之資出入置

量寧或免重輕其手低昂立價豈能無增減之心速戾于躬伊
誰是咎爰清質霄之聽敬陳芳醮之儀伏願赦其不獲已之情
恕其自作孽之罪粒米狼戾康於唐正觀之二分財貨鱗殷積
甚陶朱公之万貫

保寇

強寇陸梁慮有侵凌之患高穹降格亟投悃悞之誠既沐垂休
敢忘昭謝伏念臣職司鎮遏日懼疎虞剽掠成風叩重震隣之
恐緇縵未雨當為預備之謀願与尔民相安此士爰從故臆許
薦清羞賴天威果賜於穢夷俾地面獲諧於安靜謹裒眾善仰
賽前恩伏願夜月御營不待擊重門之祈春風梓里庶張安醮

後水

後水建醮

洪水傲予實切橫流之慮皇天生我庸伸行潦之誠載禱載祈
以袞以禱切念其善淵壅塞苦海沉淪近因雨水之霖淫爰漲
風波之汎濫茫二袞二已迷楊柳之津派二悠二將至蓬茅之

室未知攸止莫敢或違謹消清白之忱敬設黃汗之薦伏願王
宸至聖金闕高真憫予昏墊之憂鑒我朝宗之禮勢則然也母
為溪澗之能留逝者如斯若决江河之莫禦

水後還醮

汜濫其水曾許黃汗之薦沐浴以事庸酬洪覆之恩切念某汨
沒利源淪胥蕙海頃以柴門之漲深為蓬戶之憂爰呼上帝之
監觀款脫下民之昏墊禱之也切感而遂通茲陳芳醮之儀用
報圓靈之德伏願三清昭格万聖垂慈决而注之永絕虞襄之
洶湧与其繁也尚祈濯澤之靈長

後火

後火建醮

袞火於未焚之際將恐自焚籲天於不言之間敢忘至敬切念
其心炎益盛愈熾熾亦皆近瞻焚惑之呈輝恐致融神之煽禍于
以致憂煎蒸如之慮抑亦為池魚殃及之防護卜剛辰特陳醮
禮伏願錫我鈞陶之賜鑒予塗炭之憂乾澤混涵潛弭飛烟之

烈焰離明昭燭散為瑞日之祥光

火後還醮

昔因隣室之燬假載先申禱今仰帶閣而報祿敢後寅恭切念
其心火炎二意塵擾二近以桑梓徙新之失深為衡茅延蔓之
憂徹地朱光將入已燃之地漲天紅焰幾无可叩之天雖塵撲
滅之勞爰致籲呼之請感德之安於履臺酬息實愧於膺臬茲
陳芳醮之儀用叩圓靈之聽伏願三清上聖六御高真錫予蓬
車之休鑒我頻繁之禮南離災感常逢退三舍之居北坎玄真
永与滅万家之劫

大月建醮

大月建醮

熊子復

大劫周迴颶風間發乾坤真悔何勁草之能知山岳動搖幸大
木而斯後永言奇禍延見齊民方當哀籲以呼天咸寔幽明之
為地果蒙收霽陰賜安平臣等一生知皈万死莫報慶集齋壇
之衆略修雲爰之儀庶以免灾諒非

教福

後蝗虫設醮

嗟嗟之入境實切憂思望至庚豹之開闕特伸祈禱切念其貴
五谷如貴金玉護寸雨若護圭璋豈期育秀之時忽致戕生之
害傷稼之益傷集之騰既如不蠱之傷食心曰蝻食根曰蠹且
若桑蚕之食至斯極矣孰能禦之謹陳方醮之儀庸格同登之
聽伏願驅尔於異風之內昇之於萬火之中寧食吾肺腸何待
唐宗之祝无害我田穡與歌周室之詩

後麥虫建醮又民疫

帝命率育思迎粒乂之時天方薦瘳更切徵嗟之念對皇穹而
懇惻祈民物之阜安伏念其自身任瘳符憲闕田野緩刑尚德幸
衆志之頌孚務縉勸分正飢瘡之急瘳乃牟麥虫殃之忽作而
閭閻災疫之間形或者政有缺而使然夫豈民无辜而至此爰
齋心而精禱異弭疾以召豐伏願天錫康年神回沴氣去蠹騰
除蠹蠹奄刈苗雲指騰騰祈禱狂瀆馳亦疫無令闔郡及入樂郊

道家青詞四六活套

起聯敬語

陽驕而亢震為激地之灾 木饑火旱雖開具數之推移
人懼且驚亟致呼天之懇 金簡玉書能拯含生之疾苦

九重閔雨至形罪已之言 吏无善政致流金焦土之灾
千里分符敢致齋心之禱 天閔下民降沛雨油雲之澤
潛天而天妙為功之罔測 六月不雨農望歲以深憂
曰雨而雨終有感以遂通 三日為霖吏率民而及請
時當庚伏易招亢旱之憂

歲近秋成正切甘霖之禱 閔時不雨憂千鴻造之私
荷笠荷蓑均異一年之稔 降監自天存拜龍湫之澤

雨珠雨玉寧如三日之霖

耕者望雲爰切北方之禱
如憐如焚實切望雲之禱
既霑既足敢忘賜雨之恩
大約播物統雲行雨施之權
和氣致祥无陰伏陽愆之咎
久切愁霖之苦
庸申憂皇之祈

初晴 三時不害喜歲事之告成
秋方登稔平鋪万亩之禾
時適歛收綿作弥旬之雨
九月築圃方欣南畝之歸
雨為人灾懼之下民之貢祀
時常賜若濂蒙上帝之哀矜

謝晴 三日為霖或作西成之害
暄三其陰蠢爾一時之孽
杲二出日懽然百里之和
親息至重莫酬鞠育之恩
天聽其卑必監哀号之請
昔因嚴父以祈安得臻无恙
今仰皇穹而載效庸謏有孚

保父 温清定省誰无入子之情
疾痛痒病適重嚴君之念
子惟父之憂言堪疾苦
天從人所欲爰獲于康

還願 天從人所欲爰獲于康
親息至重莫酬鞠育之恩
天聽其卑必監哀号之請
昔因嚴父以祈安得臻无恙
今仰皇穹而載效庸謏有孚

保母 母者猶地可勝鞠育之恩
疾則呼天庸扣監觀之聽
子惟母之是憂丹衷歷悃
天從人之所欲素願靡忘

保夫 夫聞病篤實深孔棘之艰
婦憫情深庸致獻芹之礼
有疾弗瘳適重中閨之慮
无感不應敢祈上帝之矜

保弟 兄弟急难正切鶴鴒之念
天地明察豈遺蠅蟻之忱
嗟鴒原之疾苦深惟无恙之期
即蝸舍而吉蠲庸尽有孚之禱

保男 烏鵲護雛實根天性
椿松比壽允賴聖功
病極膏肓深切震男之慮
誠陳肺腑敢祈乾父之恩

保男 烏鵲護雛實根天性
椿松比壽允賴聖功
病極膏肓深切震男之慮
誠陳肺腑敢祈乾父之恩

保男 烏鵲護雛實根天性
椿松比壽允賴聖功
病極膏肓深切震男之慮
誠陳肺腑敢祈乾父之恩

保女

乾三畫而為父不言所利不災與无咎深為賤息之憂

祈男

能夢未占冒致愚忱之禱 有二三不孝无後為先

保產

能羅入夢可勝六甲之憂 發一至誠惟天可禱 監生聖母內消分免之憊 護產靈聖大賜吉祥之福

還愿

要其无後屢祈鬱鬱之祥 昔因生育之未形呼天致禱 今喜祈禳之不昧伏地酬恩

風病

不可以風深嘆中風之苦 人有大患莫踰癱瘓之災 載卜其日庸拜傾日之誠 天无私親庸為祈禳之敬

還愿

風之為灾不勝兢戰之憂 天之降祥迄遂平寧之喜

眼病

嗟銀海之失明莫致生花之喜 望玉宸而致敬庸俾溫涼之儀

两眼失明深慮宿生有過 昔因兩目之灾呼天致禱

生日

洪範五福以壽為先 今致一心之敬伏地酬恩 奉天九重惟誠可格 天道不言定而能應 人情欲壽居則求安

足病

足愛蹠盤莫申踏地之恭 厥足用傷实切廢人之嘆 心竭精神爰致呼天之禱 乃心克敬庸俾事帝之誠

瘡疾

瘡疔疾之為重莫施藥石之功 盡誠意以祈恩用致蕝芹之礼 瘡出復凌实切戰兢之苦

瘡備三因实切由中之慮 靈示昭格迄臻覆燾之休

為商

生理无聊將有征行之吉 乘時射利辭家於千里之遙 靈光有燁可无祈禱之誠 開心見誠叫閻於九重之邃

還愿

利者義之和爰致蠅營之利 誠者天之道敢忘蚊報之誠

兩以風餐嗟逆旅登臨之苦
月征日邁藉玄元覆祐之功
車牛服實雖人知求利之贏
貨賄阜通乃神職生財之道
比予小子垂生於魚腹之中
惟尔玄元救死於鯨波之上
昔遇中流曾致呼天之禱
今申微悃特陳伏地之恭

中聯伏念警語

祈雨 臣無寸長全仰一稔奈緣繆政遂致常暘自前月以至今
苦旱風之為虐云欲蒸天而吹散雨才洒地以卷空○中
邦安处帝力莫知荷天地之生成持飲食以為命一從近
歲屢獲豐年懷安者未克敬天有罪者孰能責已遂令今
日小弄驕陽雲髮合而雨踈禾垂成而水涸○麥苗雖出
而悉已萎黃溪港不通而僅存消滴○飄風震湯雲欲集

而還烈日炎威泉有源而亦涸
方用事而養苗土則溽暑而不雨
大火乘炎裁赤膏腴之地皇天流澤復青枯槁之苗
○果副精誠之禱誕敷浹洽之恩
田欲无禾怵然怨雨民憂不粒仰止呼天○秋方登稔平
鋪万亩之禾時適斂收而作弥旬之雨○川陸化為滄溟
稼穡傷於巨浸○霖霖連日津二浸潤之多穞經宣
阡徃三萌芽者半○方穡事之有秋而農夫之未獲
害案盛而作淫雨方以為憂披雲霧而覩青天伊誰之力
○取墜景於靈泉飛祥光於若木○已扇谷風滿散扶桑
之曉更融和氣

祈雨 天上麒麟久載未符於吉夢
人間龍虎何時方見於嘉祥
承家有忝
繼世為先
協成太皞之春

父母

偶因疾疹久歷歲時浸至疴癘實深憂懼此蓋子孫稔惡門戶匪昌降歿乃及於老親誅罰不加於小已○欲壽其親實人心之至願無私於物仰天鑒之弗違○與其委命於庸醫不若求哀於仙聖

保妻

自職積繁粗共揆棗從夫遠宦敢辭在饋之勞得疾許時未遇勿藥之喜豈歲運參差之適尔抑星躔陵歷而致然○從夫遠宦四年遍走 江湖嬰疾微痾累月未离枕席公妻公頻繁賤質蒲柳微軀將臨卧蓐之期深軫徹桑之念能羅應夢且居猶稼之中蛇虺呈祥亦在狐疑之域惟冀保安之二字敢忘致敬之三清

還願

向因弥月之辰嘗致籲天之禱丹衷上達善願俯從居然就序之安坐獲垂弧之吉爰蒙恩祐敢負初心膏肓屢亟不勝豎子之慶命脉載回未見醫師之效

保子

頃以衛生之尤術可嗟与死之為鄰莫收臙眩之功徒切戰兢之慮○頃以節宣之弗謹致茲侵疹之或侵回生頃刻莫求肘後之方忍死須臾實切目前之慮

生日

惟此庚辰之歲實為本命之年數之所窮理有必反不勝恐懼敬用祈袞祗按舊章修陳薄禮惟是桑蓬載生之日 惟仲秋敷宣筵之三輒羞蘋藻可薦之誠 遇誕日垂弧矢之六

酒

恥於兔守謾尔蠅營斯邁斯征爰謀爰度吉消月日將為蠶足之遊跋涉風霜實藉洪休之庇云云

家原

糊口四方置身千里遲 行道深載飢載渴之憂汎 乘舟懷能覆能載之慮惟託聖休之庇得臻清吉之祥

風浪

計切肯堂謀深潤屋頃泛巴河之渡忽逢巨浪之驚沃月吞雲番作弥天之雪號風戰雨激為般地之雷舟客関心

篙師束手三万頃瓊田之險爰籲慈悲億千遍金闕之尊
立彰感應○比爲蠅頭之利忽驚鯨浪之憂委金軀於風
濤洶湧之衝置宝貨於雲水掀番之域惶惑執篙而心醉
淪胥卒掉以鬼飛爰殫忍死之丹誠用叩曰生之洪造果
蒙感應得
遂生還

結聯伏願警語

祈雨 乾坤降監箕畢流恩○願解龜文之垢可占魚夢之祥○
勅下九閔沛作庀洪之澤惠流千里訖臻豐稔之年○油
然作沛然下遂成三日以爲霖陰
无伏陽无愆未聞四月之不雨
夏无愆陽常盎薰和之氣雨不破塊每餘潛潤之功
謝雨 ○長見太平永言多謝

祈晴 迷雲開淨慧日照臨○願幹回天之力潛施取日之功
移詔風師一掃愁雲之色傳宣儀馭重開爰日之輝
疾 詔治病之功曹均調六脉勅神醫之將吏燮理五官○上
生籍落死名俾尔綿延之壽增福基消禍孽錫子稔簡之
休○拔其无妄之灾錫以降康之佑○二命靈官泉來擁
護五臟神君各保安寧○錫神鑿而助世鑿賜靈藥而資
凡藥○願回哀眷耄耋雖罪而不
刑俾有夷瘳疾无妄而勿藥
保母 疾極傾危瑞挹北堂之化日
數延悠久光聯南極之壽星
保夫 載望帝閼幸降龍鸞之駕
尚祈夫主永延龜鶴之齡
保嬰 爲糟糠而請命旣荷再生
鑒觀如在臨照何私烟之明眸可察
目疾 薦積繫以陳情尚祈借老
秋豪之銳瞞之皓髮更祈椿筭之延

學

俾之遐壽孩提至骨骼之成助以多才少小遂書史之涉
○從茲強祿之男日增○茂更昇闈門之集時遂康寧○
神資智惠異強祿以常安天錫聰明歷歲華而壯健

祈嗣

長庚毓秀早開熊夢之祥
南極注生亟抱麟兒之送

商旅

行曰商坐曰賈咸无滯貨之深愛
為者疾用者舒常有生財之大道
垂囊而往載糶而歸得收微利
維車之運汎舟之役俱襲佳祥

利源洋溢浚於江海之淵源

福址增高固君岡陵之基址

保寇

山川鎮靜夜无犬吠之驚
莞簞安寧日有燕居之喜

事文類聚翰墨天書已集卷之六

程